

**ОЙН ХӨНӨӨЛТ, ШАВЖНААС УРЬДЧИЛАН СЭРГИЙЛЭХ,
ТЭМЦЭХ АЖЛЫН ТЕХНИКИЙН ТОДОРХОЙЛОЛТ**

2024 оны 05 сарын 25

Жаргалант

Ажлын зорилго нь: Ойн санд тархсан хөнөөлт шавжтай химийн аргаар утаат шүршигч ашиглан тэмцэж хортон шавжны тархалтын хэмжээг багасгаж, эрүүл ойг бий болгох

Байршил: Архангай аймгийн Жаргалант сумын ойн санд

Хөрөнгө оруулалт: Байгаль орчныг нөхөн сэргээх зардал 49.989.500 / Дөчин есөн сая есөн зуун наян есөн мянга таван зуун төгрөг /

Хөрөнгө оруулагч (захиалагч) байгууллага: Жаргалант сумын Засаг дарга, Засаг даргын Тамгын газар

АЖИЛ ГҮЙЦЭТГЭХ ТАВИГДАХ ШААРДЛАГА, АЖЛЫН ТОО ХЭМЖЭЭ

№	Хийгдэх ажлын үзүүлэлт	Талбайн хэмжээ/га/
1	Тэмцлийн ажлыг явуулах талбайн хэмжээ	1250 га

Ажил нь ойн хөнөөлт шавжтай утаат шүршигчийн аргаар тэмцэх ажилд бэлтгэх, тэмцлийн ажлыг зохион байгуулах, ажил гүйцэтгэсэн талбайг хүлээлгэн өгөх, зөрчил, гомдлыг барагдуулах, тайлан боловсруулах, хэлэлцүүлэн хүлээлгэн өгөх гэсэн үе шатуудтай байна.

Бэлтгэл ажил:

- Тэмцлийн ажилд хэрэглэгдэх тоног төхөөрөмжүүд дээр ажиллах улирлын болон түр ажилчдыг дадлагажуулах.
- Тоног төхөөрөмжүүдийн техник үйлчилгээг бүрэн хийж, тэмцлийн ажилд гаргахад бэлэн болгосон байх
- Тэмцлийн ажилд хэрэглэгдэх техник төхөөрөмжүүдийг бэлэн тохируулах
- Ойн хөнөөлт шавж, өвчинтэй тэмцэх ажлыг явуулах технологийн карт боловсруулах
- Ойн хөнөөлт шавж, өвчинтэй тэмцэх ажилд ашиглах 1:10000-ын байр зүйн болон google earth праграмм ашиглан ойн тархалтын зураг дээр тэмцлийн ажил явуулах талбайг тэмдэглэх
- Тэмцлийн ажлын өдөр тутмын гүйцэтгэлийг бүртгэх загвар бэлтгэсэн байх
- Тэмцлийн ажлыг өдөр тутмын гүйцэтгэлийг хэсэглэл ялгарал газрын нэрээр гаргана.

Тэмцлийн ажлыг зохион байгуулах

Тэмцлийн тархалтын зураг дээр тэмдэглэн танилцуулах, зураг бэлтгэн товч тайлан гарган ажиллана. Уг гүйцэтгэлийн өдөр тутмын товч тайлан мэдээг ажлын гүйцэтгэлд хяналт тавьж буй ажлын хэсэг, байгаль орчны албад анхны шаардлагаар саадгүй хувиран өгөх үүрэгтэй.

-Ойн хөнөөлт шавж өвчинтэй тэмцэх ажилд ажиллах ажилчдад ажил гүйцэтгэх технологи болон хөдөлмөр хамгаалал, аюулгүй ажиллагааны талаар зааварчилгаа бэлтгэн өгч тухай бүрд нь зааварчилгааны хуудас дээр гарын үсэг зуруулан

багалгаажуулах, Тэмцлийн ажилд ажиллах улирлын болон түр ажилчдыг дадлагажуулан ой хээрийн түймрээс урьдчилан сэргийлэх талаар анхааруулга, зааварчилгаа өгч, тухай бүрд нь зааварчилгааны хуудас дээр гарын үсэг зуруулан баталгаажуулна.

Ойн хөнөөлт шавжтай тэмцэх ажлыг ГҮЙЦЭТГЭХДЭЭ “Ойн хөнөөлт шавжтай тэмцэх ажилд тавигдах ерөнхий шаардлага MNS 6532:2015” стандартыг мөрдөж ажиллана.

Тэмцсэн талбайг хүлээлгэн өгөх:

Тэмцлийн ажил явуулсан талбайг захиалагчаас томилогдсон төслийн менежер, орон нутгаас томилогдсон ажлын хэсэгт актаар хүлээлгэн өгөх ажлыг зохион байгуулна. Тэмцлийн ажлын үр дүнг тооцохдоо “Ойн хөнөөлт шавжтай тэмцэх ажлын үр дүнг тооцох ажилд тавигдах ерөнхий шаардлага MNS 6534:2015” стандартыг мөрдөж ажиллана.

Тэмцлийн ажил явуулсан талбайг хүлээн авахдаа 100 га тутамд нэг хяналтын дээж талбай байгуулан тэмцлийн ажил явуулахаас өмнө болон дараа нь тооллого хийн үр дүнг тооцон хүлээн авна. Тэмцлийн ажлын техникийн үр дүн 90%-аас багагүй байхад тэмцлийн ажил явуулсан талбайг хүлээн авна.

Зөрчил, гологдол арилгах:

Тэмцлийн ажил явуулсан талбайг хүлээн авахад гарсан зөрчил дутагдлыг гүйцэтгэгч залруулах үүрэгтэй. Тэмцлийн ажлын үр дүн заасан хувь хэмжээнд хүрээгүй тохиолдолд гүйцэтгэгч тэмцлийн ажлыг өөрийн хөрөнгөөр хийж гүйцэтгэж дахин комисст хүлээлгэн өгнө. Энэхүү шаардлагыг биелүүлж ажиллахаа тендерт оролцогч захиалагчид албан бичгээр тодорхойлолт гаргаж өгөх үүрэгтэй.

Тайлан боловсруулах:

Ойн хөнөөлт шавж, өвчинтэй тэмцсэн ажлын тайланг сум орон нутаг захиалагчид 2 хувь ирүүлнэ. Тайлан доор дурдсан бүрдэл хэсгүүдээс бүрдэнэ.

Үүнд: а “Ойн хөнөөлт шавж, өвчинтэй тэмцсэн ажлын тайлан”;

Б. Google earth праграамм ашиглаж масштабтай Ойн хөнөөлт шавж, өвчинтэй тэмцлийн ажил явуулсан талбайн зураг;

в 1: 100000-ны масштабтай Ойн хөнөөлт шавж, өвчний тархалтын тойм зураг.

г. “Ойн хөнөөлт шавж, өвчинтэй тэмцсэн ажлын тайлан”-

Ойн хөнөөлт шавж, өвчний тархалтын судалгаа явуулан хөнөөлт шавжийн тархалт, голомт, хөнөөлийн голомт, дахин сэргэн ургах чадвараа алдсан талбайг ой зохион байгуулалтын материалын хэсэглэл ялгарлын талбай бүрээр гарган хүснэгтээр оруулна.

Түүнчлэн зонхилон хөнөөл учруулж буй шавжийн зүйлийн 9 бүрэлдэхүүн, тэдгээрийн биологи, экологийн зарим онцлог шинжүүд, хөгжлийн үе шатуудын талаарх мэдээлэл, тоо толгойн нягтшил, хэт олшролын өнөөгийн байдал, өсөлтийн динамик, цаашид авах арга хэмжээний талаарх мэдээллийг багтаана. Дээж талбайн тооллого болон бусад судалгааны ажлын үед авсан гэрэл зураг, Ойн төлөв байдлын зураг, хөнөөлт шавжид нэрвэгдсэн Ойн ерөнхий байдлын зураг, тэмцлийн ажлын үр дүнд ой сэргэн ургасан байдлыг харьцуулсан зургийг тайланд хавсаргана.

Ойн хөнөөлт шавжтай тэмцэх ажлын бэлтгэл, зохион байгуулалт, гүйцэтгэсэн хугацаа, бүрэлдэхүүн, ажил гүйцэтгэсэн технологийн мэдээлэл, тэмцлийн ажил явуулсан талбайн мэдээллийг тайланд багтаах ба тэмцлийн ажил явуулсан талбайн зураг, орон нутагт хүлээлгэн өгсөн актыг эх хувиар хавсарган ирүүлнэ. Түүнчлэн тэмцлийн ажил эхлэхийн өмнө дээж талбай байгуулан хөнөөлт шавжийн нягтшилыг тодорхойлсон мэдээллийг дээж талбай тус бүрээр, үр дүнг тооцохоор байгуулсан дээж талбай дээрх тооллогын мэдээллийг тооллого хийсэн өдөр тус бүрээр гарган тайланд оруулна.

“Ойн хөнөөлт шавжтай тэмцсэн ажил явуулсан талбайн зураг”-т: Хэсэглэл, ялгарлын хил, дугаар, талбай, газрын төрлийн ангилал тэмдэглэгээ, модны төрөл, насны бүлэг, газар ус, уул, өндөрлөг тоотын нэр, газар зүйн байрлалын солбицлын тоолол,

зургийн масштаб, проекц, таних тэмдэг эдгээрийг ой зохион байгуулалтын технологийн зааварт заасан стандартын дагуу гүйцэтгэж оруулна. Тэмцлийн ажил явуулсан талбайг арга тус бүрээр ялган харуулах ба талбайн хэмжээг тусад нь хүснэгтэд хийн зурагт хавсарган ирүүлнэ. Ойн хөнөөлт шавжтай тэмцлийн ажил явуулсан талбайн зургийг баг тус бүрээр гарган тайланд хавсаргана.

“Ойн хөнөөлт шавж, өвчний тархалтын тойм зураг”-т Ойн хөнөөлт шавж, өвчний тархалтыг зүйлийн бүрэлдэхүүн тус бүрээр гарган харуулна. Ойн хөнөөлт шавж, өвчний тархалтын тойм зургийг гарган тайланд хавсаргана.

Тайланг гүйцэтгэгч ажлын хэсэгт хүлээлгэн өгнө. Хэрэв тайланд зөрчил гологдол илэрсэн бол түүнийг арилгах үүргийг гүйцэтгэгч хүлээнэ. Зөрчил гологдлыг арилгасан тухай төслийн менежер мэдэгдэл гарган дахин ажлын хэсгийн хурлаар хэлэлцүүлэн хүлээн авсны дараа эцсийн шатны санхүүжилтийг олгоно.

ТЕХНИКИЙН ТОДОРХОЙЛОЛТ БОЛОВСРУУЛСАН:

АЖЛЫН ХЭСГИЙН ДАРГА  Д. БАТБААТАР

ГИШҮҮД  Б. ЦЭВЭЛДОРЖ

 О. ГОНЧИГДОРЖ